

道德真經四子百道集解卷之六

過六

道德真經四子古道集解卷之六

過六

古 襄 冠 才 質 集

上士聞道章第四十一 此章南華經言古者言惡

乎隱而有是非皆因周學言隱於文
華故有儒墨之是非非儒墨是非之彰
也道之所以虧也周世天下儒墨之
治方術者多矣皆以其有為術學亂

於天下不可加矣古之所謂道術者
果乎隱於儒學諸子有刻意尚行離
世異俗高論怨誹為亢而巳矣此山
谷之士非世之人枯槁赴淵者夷齊
屈原之所好也人有語仁義忠信恭
推讓為修而已矣此平世之士教誨
之人遊居學者孔子孟軻之所好也
有語大功力立大名理君臣正上下
治而巳矣此朝廷之士尊主強國之
人致兼功并者伊尹周公之所好也

有就藪澤處閑曠釣魚閑處無為而
已矣此江海之士避世之人閑暇者
巢父許由之所好也若夫古士不刻
意而高無仁義而脩無功名而治無
江海而閑無不忘心清靜也無不有
道無為也淡然無極而衆美從之此
天地無為之道聖人清
靜之德天下大治也

上士聞道勤而行之

過六

通玄經曰上古法天無為法天者治天地
之道也清靜無為是謂天道也

中士聞道若存若亡

通玄經曰中世尚賢形教尚賢者疑惑之
原也中世守德而不懷道道滅而德興

下士聞道大笑之

通玄經曰下世任臣才學任臣者危亡之道也下世繩繩唯恐失學南華經秋水篇言北海若謂河伯曰伯夷辭之以為名仲尼語之以為博此其自多於學以笑道無為之少不似爾河伯自多於水以笑北海之少乎夫井蛙不可以語於海者拘於井之墟也夏蟲不可以語於冰者篤於夏之時也曲士不可以語於道者束於學之教也今爾出於涇河涯洙觀於大海乃知爾

醜爾將何與語大理矣天下之水莫大於
海萬川歸之不知何時止而不盈尾閭泄
之不知何時已而不虛春秋不變水旱不
知此其過江海之流不可為量數而吾未
嘗以此自多者自以比形於天地而受氣
於陰陽吾在天地之間猶小石小木之在
大山方存乎見少又奚敢以自多計四海
之大在天地之間也不似罍空之在大澤
豈足為大乎計中國之多在海內也不似
稊米之在太倉豈為多乎計人物之多在

九州也不似毫毛之在馬體豈足多乎五
帝之所連三王之所爭仁人之所憂任士
之所勞盡此大小各有限矣以其至小求
窮其至大之域是故迷亂而不能自得也
由此觀之又何以知天地之足以窮至大
之域夫自細視大者不盡豈不自失乎
不笑不足以為道

南華經辯士公孫龍問於魏公子牟曰龍
少學先生之道長而明仁義之行合同異
離堅白窮衆口之辯以笑莊子之言茫然

異之公子牟隱几大息仰天而笑曰子獨
不聞坎井之蛙乎謂東海之鼈曰吾樂大
與夫子奚不來入觀之東海之鼈左足未
入而右膝已繫矣於是逡巡而却告蛙吾
之海曰夫千里之遠不足以舉其大千仞

過六

三

之高不足以極其深於是坎蛙聞之適適
然自驚規規然自失觀於莊子極妙之言
爾自適一時之利者是非坎井之蛙與子
乃規規然而求之以察索之以辯是直用
管窺天用錐指地不亦小乎往矣公孫龍

口吐而不能合舌舉而不能下乃逸而走
建言有之

南華經盜跖謂孔子曰且吾聞之古者耕
而食織而衣無有相害兵殺之心此至德
之隆天下太平也然而黃帝不能致德與
蚩尤戰於涿鹿之野流血百里唐虞作立
群臣湯放其主武王殺紂自是之後以強
凌弱以衆暴寡湯武已來皆亂人之徒也
豈足貴尚哉今子修文武之道掌天下之
辯以教後世縫衣淺帶澆薄不淳失其古

樸天下為亂矣

明道若昧

南華經曰古之士內直道善無為者與天
為徒今之士外曲禮敬有為者與人為徒
進道若退

南華經曰古之士無為治其內而不有為
治其外今之士有為治其外而不無為治
其內

夷道若類

南華經曰古之人外化而內不化無為守

其內而不為其外今之人內化而外不化
有為守其外而不守其內

上德若谷

通玄經曰古之士味道不捨也今之士捨
道不味也釋道而任學者危棄德而用才

過六

四

者困

大白若辱

通玄經曰上古之士大白若辱明白太素
無為復樸今下世之士以聰明為治者勞
心而不明以智慮為治者苦心而無功

廣德若不足

南華經曰上古之士盛德若不足通玄經
曰上士廣德若不足也今士不達真道者
雖智統天地明辯日月辯解連環辭潤金
石猶無益於天下夫察於刀筆之跡者不
知無為治亂之本

建德若偷

通玄經曰上古無為者即無事累無累之
人即天下為形影相隨無為矣下世之士
目察秋毫之末者耳不聞雷霆之聲耳調

金石之音者目不見太山之形故小學有所志則大道有所忘

質直若渝

通玄經曰今上觀至人之倫深原道德之意下考世俗之行乃足以羞羞恥不治也

過六

五

大方無隅

通玄經曰上古之士道至大者無規矩後世以仁義禮樂為規矩而知規矩之所用者能治人上用規矩者下亦有規矩之心巧之具也而非所以治矣

大器晚成

通玄經曰上古之士德至大者無器用大
正不險故民易導後世小辯害道小能喪
德夫通於一學察於一能可以曲說未可
廣應於教治也

大音希聲

通玄經曰上古之士道至大者無音聲至
終復樸民無為匿後世小善破治小技喪
樸夫辯於一辭審於一技可以曲說未可
廣應於教治也

大象無形

通玄經曰上古之士樸至大者無形狀清
目不視靜耳不聽閉口不言委心不慮棄
聰明反太素休精神去智故無好憎是謂

大通

道隱無名

南華經曰夫尊古而卑今學者之流也且
以狝韋氏之流觀今之世其孰能不僻學
唯古至智厚德至人乃能游道於世而不
僻學順人無為而不失己性彼教不學於

智承意於道不彼於學通玄經曰幽隱玄
默無為而治不知所為而功自成者聖人
之道也

夫唯道

通玄經曰所謂古真人者性合乎道也治

過六

六

其內不治其外以遊天地之根芒然彷徨
乎塵垢之外逍遙乎無事之業機械智巧
不載於心不學而知不視而見不為而成
不治而辯逍遙無為也天下自化此真人
之遊純粹素道

善貸且成

南華經老聃謂陽子居曰明王之治功蓋天下而似不自己為也化貸萬物而民弗恃不有顯名使物自喜立乎不側而遊於道無有者也古者至人立於不貸之圃逍遙無為也不貸者無出也不推於物矣

道生一章第四十二

此章通玄經言夫道者原產有

始始於柔弱成於剛強欲剛者必以弱守之積弱成強觀其所積以知存亡太古聖人以道鎮之而損沖氣守柔弗強以功名自化故能成其王南華經曰古聖毀志之勃嚴惡二者勃志也不動宵中則正正則虛靜無為

而不為故作是章
戒王稟道謙和也

道止一

通玄經九守篇曰天地未形窈窈冥渾而
為一寂然澄清者道也道生一天也清微
為天

過六

七

一生二

通玄經曰一生二地也重濁為地

二生三

通玄經曰二生三人也精氣為人

三生萬物

通玄經曰三生萬物粗氣為蟲剛柔相成
萬物乃生

萬物負陰而抱陽

通玄經曰萬物負陰而抱陽是以木實生
於心草實生於英

沖氣以為和

通玄經曰沖氣以為和和居中央是以胎
卵生於中央南華經曰萬物以形相生九
竅者胎生八竅者卵生沖虛經曰沖和氣
者為人

入之所惡

通玄經曰小人情性皆好強而惡弱好剛而惡柔而不知失

唯孤寡不穀

通玄經道原篇曰王公有功名孤寡無功

名守謙損也

而王公以為稱

通玄經曰古者聖人日損沖氣不敢自滿日進以謙功德不衰天道然也

故物或損之而益

通玄經符篇曰德少而寵多者譏才下而位高者危無大功而有厚祿者微故物或益之而損損之而益

益之而損

通玄經曰福莫大於無禍利莫大於不喪

過六

八

故物或益之而損損之而益

人之所教

南華經曰儒曲禮敬者所教謙損也

我亦教之

通玄經曰柔弱者生之徒也柔弱為上

強梁者不得其死

通玄經曰末世而志強梁之氣故不能久

強梁者死

吾將以為教父

通玄經曰剛強者死之徒也剛強為下

天下之至柔章第四十三

此章南華經天道篇

言夫虛靜恬淡寂寞無為純粹素樸者此天地之平而道德之至萬物之本也明此無為以北海虞舜為臣也聖王明此無為以北海虞舜為臣也聖王也老聃以此無為於君上帝王天子之德也老聃以此無為於君上帝王天子之德也老聃以此無為於君上帝王天子之德也

遊江海山林之士服士人以此恬淡

進為而撫世則功大名顯天下一也
靜而聖動而王無為也而尊樸素而
天下莫能與之爭美故老聖言吾是
以得知無為之有益不言之教無為
之益天下希及之
矣無為有益也

天下之至柔

通玄經曰天下之至柔馳騁天下之至堅

過六

九

馳騁天下之至堅

南華經曰水流乎無形發泄乎太清夫水
之灼也無為而才自然矣

無有人於無間

通玄經曰無有人於無間南華經曰天門

者無有也萬物出乎無有有不能以有為
有有必出乎無有而無有一無有出無本
入無竅有乎生有乎死有乎出有乎入
出而無見其形是謂天門
吾是以知

南華經曰老聃無為處於臣下玄聖素王
之道也

無為之有益

通玄經自然篇曰天地之道無為而備不
求而得吾是以知其無為而有益也

不言之教

南華經曰上古聖人行不言之教立不教
坐不議虛而往實而歸故有不言之教無
為而心成者也大道不稱大辯不言

無為之益

南華經曰玄古之君天下無為也天德而
已矣無為為之謂天無為言之謂德上無
為也下亦無為也

天下希及之

通玄經曰有益之本在之無益故無益於

治有益於亂者玄聖不為也

名與身章第四十四

此章南華經言不仁之人而貪

富貴名利之患反以害其身楚威王
聞莊周賢使使厚幣之許為相莊周
謂楚使曰千金重利卿相尊位也子
獨不見郊祭之犧牛乎養食之數歲
衣以文繡食以芻菽及其牽而入於
太廟雖欲為孤犢其可得為乎子亟

過六

十

去無汗我有國者羈終身不仕自快
無為之道焉魯君聞顏闔得道之人
也使人以幣先焉顏闔不受真惡富
貴也故曰道之真以治身其緒餘以
為國家其土苴以治天下由此觀之
帝王之功聖人之餘事也非所以完
身養生也今世俗之君子多危身棄
生以殉物於名利豈不悲哉今且有
人於此以隋侯之珠彈千仞之雀世
必笑之是何也則其所用者重而所

要者輕也夫生者豈特隋珠之重哉
名利喪身也知足不辱知止不殆可
以長久故
作是章焉

名與身孰親

南華經曰伯夷叔齊鮑焦介子推此四子
者重名輕死

身與貨孰多

南華經曰昔者桀殺關龍逢紂殺王子比
干故龍逢斬比干剖萇弘肥子胥糜此四
子之賢是好名利者也而身不免乎戮

得與亡孰病

南華經曰此其伯夷叔齊比干子胥之屬
所以論長生安體樂意之道不亦遠乎
是故甚愛必大費

通玄經曰虎豹之文來射獫狝之捷來格
鳴鐸以聲自毀膏燭以明自煎武勇因強

過六

十一

梁死辯士因能亡

多藏必厚亡

南華經曰山木自寇也膏火自煎也桂可
食故剝之漆可用故割之人皆知桂漆有
用割剝亡身而不知櫟樹無用之用得終

天年

知足不辱

南華經曾子曰天子不得臣諸侯不得友
養志者忘名養形者忘利致道者忘心
知止不殆

沖虛經曰不貪貨何羨利不貪貴何羨名
此之謂順民南華經曰名利二者勅志也
不動習中則正正則虛靜無為而無不為

也

可以長久

通玄經曰璧瑗之器礚礚之功也鎡鋸斷
利砥礪之力也狡兔死而獵犬烹高禽盡
而良弓藏敵國滅而謀臣亡功遂身退天
道然也可以長久

大成若缺章第四十五 此章南華經言天地雖大

其化均也萬物雖多其治一也人卒
雖衆其主惟君君原於德而成於天
故曰玄古之君天下無為也天德而
已矣是以太古聖人大巧若拙太辯
若訥體道清靜無為為天下之正教
其用無窮故能長久故作是章焉

大成若缺

通玄經曰天圓不中規地方不中矩道至

大者無規矩

其用不弊

通玄經曰清靜者道之鑒也清虛者天之明也一而不變靜之至也

大盈若沖

過六

通玄經曰天正不中鈞地直不中繩德至

十二

大者無鈞繩

其用不窮

通玄經曰無為者道之常也無為為之之謂天天德而已矣

大直若屈

南華經曰古者天下有常然之道曲者不以鈎直者不以繩大直若屈

大巧若拙

南華經曰古者天下有常然之德圓者不以規方者不以矩大巧若拙

大辯若訥

南華經曰大道不稱大辯不言大辯若訥

躁勝寒

通玄經曰陽氣勝變為陰故巧不可盈

靜勝熱

通玄經曰陰氣勝變為陽故辯不可極

清靜為天下正

通玄經曰古聖無為者守靜也守靜能為

天下正

天下有道章第四十六

此章通玄經

過六

十三

之用兵者非利土地而貪寶賂也時
有危亡平亂為民除害也以危為寧
矣赤帝為火災故黃帝擒之共工為
水害故顓頊誅之今七國無道貪叨
多欲之人殘賊天下萬民騷動莫寧
其所有則制之以兵革戎馬生於郊
天下大亂也

天下有道

通玄經精誠篇曰夫古之召遠者使無為
焉親近者言無事焉唯暗行於道者能有
之也

却走馬以糞

通玄經精誠篇曰却走馬以糞車軌不接
於遠方之外是謂坐馳陸沉

天下無道

通玄經曰春秋天下無道則亂為兵主

戎馬生於郊

洞靈經曰今春秋人主有道者寡無道者衆不可捨本事末以為戰也

罪莫大於可欲

通玄經曰罪莫大於無道爭小故不勝其心謂之忿兵故忿兵敗此天之道也

禍莫大於不知足

通玄經曰禍莫大於無德利人土地欲人財貨謂之貪兵故貪兵死此天之道也

咎莫大於欲得

通玄經曰咎莫大於無德恃其國家之大

矜其人民之衆欲見賢於敵國者謂之驕
兵故驕兵滅此天之道也

故知足之足常足矣

通玄經曰古者養生知足即罪不累也

不出戶章第四十七

此章通玄言古者人君教不出

過六

十四

戶以知天下之治者因物以識物因
人以知人脩之身然後可以治民居
家理治然後可移於官長天下治也
後世令出彌遠天下煩亂知治彌少
者不脩本身也是以古之聖人無為
脩本身正不令而行不行而知不見
而名不為而成
天下自治也

不出戶知天下

通玄經精誠篇曰古者教不出戶以知天下治者此言精誠無為發於內也南華經曰古之人無為治其內而不治其外不窺牖見天道

通玄經曰不窺於牖以見天道此言神氣清靜動於天也

其出彌遠

通玄經九守篇曰其出彌遠其知彌少者此言精神有為不可使外淫也南華經曰今之人有為治其外而不治其內

其知彌少

通玄經曰精誠越於外智慮蕩於內者不能治形神之所用者遠則所遺者近其知彌少南華經曰今之人有為守其外而不為其內

過六

十五

是以聖人

不通玄經曰不令之本在於正身

不行而知

通玄經曰古聖人脩本身不令而禁不施

而仁不行而知

不見而名

通玄經曰古聖人脩本身不視而明不聽

而聰不見而名

不為而成

通玄經曰古聖人脩本不言而信不求而

得不為而成

為學日益章第四十八

此章南華經言古者三皇

民結繩而無文若此之時天下太平則至治矣此為道之治也今遂至使

民延頸舉踵而聽學曰某處有賢者羸糧而趨學則內棄其親而外去其

主之事故兵馬足跡接連乎諸侯之境車軌轍結連乎千里之外天下大

亂此為學之亂則上好學知之過也夫好智之亂天下也自三王以下者尚文學是矣捨夫種種淳樸之民而悅夫役役勞學之佞釋夫恬淡無為之道而悅嗶嗶華誕之意嗶嗶華誕之詞未學縱橫已亂於天下矣

為學日益

通玄經曰周世傳學多文不免於亂今以

小學為教不得大道清明立聖專守文法

其於為治難矣

為道日損

南華經曰古之為道者日損

損之又損

南華經曰損之又損之

以至於無為

南華經曰以至於無為

無為而無不為

南華經曰無為而無不為上無為也下亦

過六

十六

無為也

取天下常以無事

通玄經曰古之善為君者取天下而無事

省事之本在道曰損

及其有事

通玄經曰木生蟲還自蠹人生事還自賊
各以所好反自為傷以學生事又以事止
事譬猶撓水而欲求清也難矣不足以取
天下

不足以取天下

通玄經曰位高者事不可煩事煩難治不
足以取天下

道德真經四子古道集解卷之六



